



八旗通志初集卷之一百三十三

宗室王公列傳五

敬謹親王尼堪

父貝勒權燕  
尼思哈 輔國公蘭布  
子敬謹親王

承澤親王碩塞

子莊親王博果鐸 輔國將  
軍恩克布 弟襄親王博穆

裕親王福全

恭親王常寧

純親王隆禧

恒親王允祺

淳親王允祐

愉郡王允禩

八旗通志

卷一百三十三

宗室王公列傳五

一

初集



鑲紅旗和碩敬謹親王尼堪。

太祖高皇帝之孫也。父褚燕爲

太祖長子。戊戌年春正月。與巴雅喇台吉。及噶蓋扎爾。固齊費英東扎爾。固齊統兵一千。征安褚拉庫路。星馳而往。取屯寨二十餘。將所屬人民盡招徠之。於是

賜名洪巴圖魯。封爲貝勒。丁未年春正月。瓦爾喀蜚悠城人。苦烏喇國布占泰貝勒之虐。乞移家來附。褚燕奉

命同舒爾哈齊貝勒。代善貝勒。率兵三千往從之。乘夜

八旗通志

卷一百三十三

宗室王公列傳五

二

初集

陰晦而行。見大燾之上有光。衆以爲異。捫視無有。復樹之光如初。舒爾哈齊貝勒疑爲凶兆。欲回兵。洪巴圖魯貝勒與代善貝勒曰。或凶或吉。兆已定。吾等何所見而回兵耶。遂決意進兵。至蜚悠城。盡收環城屯寨凡五百戶。令扈爾漢轄率兵三百衛之。先行。烏喇國布占泰貝勒聞之。發兵萬人邀諸路。扈爾漢轄結寨山巔。與敵相持。次日。洪巴圖魯貝勒與弟代善貝勒等至。策馬奮怒曰。

皇父每有征伐。無不破降其衆。今雖未親歷行間。有我

等在此。爾等勿憂。昔布占泰來侵我國之日。被我國擒而縛之。豢養多時。宥其死以歸。俾主其國。爲時不久。其人如故。曾從我手而釋。豈天釋之耶。爾等勿謂彼兵爲多。我國荷

### 天眷仗

皇父威名夙著。破敵兵必也。衆軍士皆奮。願効死。遂率衆渡河。與代善貝勒各領兵五百。分二路緣山奮擊。烏喇兵遂敗走。時天氣陰凍。被傷敵兵棄甲逃者。僵仆甚衆。及班師。

太祖嘉其勇。改賜洪巴圖魯號。爲阿爾哈圖土門。戊申

八旗通志

卷一百三十三

宗室王公列傳五

三

初集

年春三月。與阿敏台吉率兵五千征烏喇國。圍其宜罕阿麟城克之。斬千人。獲甲三百。俘其衆以歸。時烏喇國布占泰貝勒與蒙古科爾沁翁阿岱貝勒合兵出烏喇城二十里。駐兵遙望。知非我軍之敵。遂不戰而遁。乙卯年秋。閏八月薨。年三十六。長子杜度封安平貝勒。自有傳。尼堪其第三子也。早歲卽立功戎行。征多羅忒董襲。俱在行間。天聰九年五月。征明。尼堪隨額爾克楚虎爾貝勒多鐸率師入明寧遠錦州地界立營。遙制寧遠錦州援兵。尋晉封固山貝子。崇德

元年十二月。同戶部承政馬福塔率擺牙喇兵千人。隨豫親王多鐸往征朝鮮。圍其國王所都王京。朝鮮王棄國遁去。追至四十里。南漢山城。復還繞立寨圍之。朝鮮國外道兵聞其王被圍。有巡撫一員領兵一萬八千來援。分立兩營。尼堪率兵迎敵。大敗之。又有一副將領兵五千來援。復擊敗之。二年四月。任議政大臣。四年三月。同武英郡王阿濟格貝子羅託等征明。率四旗擺牙喇兵環守塔山連山。七年三月。隨鄭親王濟爾哈朗駐劄塔山。是年克錦州。九月。尼堪率官兵往代公博和託吞齊哈等駐防錦州。順治元年四月。隨睿王多爾袞進山海關。破流賊。復隨英親王阿濟格追賊至慶都縣。擊敗之。十月。晉封多羅貝勒。隨定國大將軍豫親王多鐸統領官兵南征。十二月。破流賊入潼關。二年正月。師距潼關二十里立營。有賊將劉方亮領兵千餘來窺我營。燾章京圖賴等率兵擊之。尼堪復助兵奮擊。遂大敗之。俘斬甚多。賊又以騎兵三百橫衝我師。尼堪同懷順王耿仲明固山貝子尙善擊敗之。三月。分兵三路趨歸德。定河南。四

月進征南京。

世祖章皇帝以王貝勒等破流寇平陝西安撫河南復  
進征南京勤勞日久各加

恩賜尼堪賜弓一張五月大兵克南京偽福王朱由松  
潛遁太平尼堪同昂邦章京圖賴等率官兵追  
之偽福王走蕪湖復率兵趨擊偽福王登舟渡  
江因據江口截其去路偽靖國公黃得功逆戰  
擊敗之敵兵皆墮水盡奪其舟得功中流矢死  
偽總兵田雄等縛福王及其妃來獻十總兵併  
部衆俱降獲金銀綉緞寶玉貂皮等物甚多又  
八旗通志 卷一百二十三 宗室王公列傳五 五

用紅衣礮攻江陰縣克之十月

賜金二百兩銀一萬五千兩漆鞍馬一匹空馬二匹三  
年正月隨靖遠大將軍肅親王豪格統官兵征  
四川破流賊八大王張獻忠四年八月同貝子  
滿達海固山額真杜雷等分兵進剿遵義夔州  
茂州榮昌隆昌富順內江資陽等處斬偽王及  
巡撫道官總兵副將叅將遊擊都司守備一千  
餘員兵丁無算獲馬騾一萬二千四百餘尼堪  
又獨領兵擊敗賊渠賀珍兵三次安定漢中府  
民川寇悉平五年正月凱旋九月晉封多羅敬

謹郡王統領官兵勦天津土寇滅之。十二月大同總兵姜瓖叛。六年正月王奉

命爲定西大將軍。率官兵平太原。三月王遣固山額真庫祿克達爾漢阿賴等屢敗賊寇。斬僞巡撫姜輝。僞叅將羅映壇獻印劄。率所部四百人降。是月晉封和碩敬謹親王。四月奉

命由左衛往圍大同。八月僞總兵楊振威遣僞守備劉寶至軍前。言我等原係良民。爲逆寇姜瓖迫脇而反。大兵來圍大同。卽欲斬逆瓖歸順。奈力不及。今兵民饑餓。死亡殆盡。餘兵無幾。我等問計於各官。裴季中等二十三人。與我等合謀。約斬姜瓖歸順。許之。振威等遂斬姜瓖。并其兄姜琳弟有光首級來獻。王率大兵入大同城。安撫民人。事平還京。尋緣事降爵爲多羅郡王。八年三月管理禮部事務。尋管宗人府。五月奉

特恩仍封爲和碩敬謹親王。時僞桂王未平。九年七月命王爲定遠大將軍。統官兵往征湖南貴州。賜御服佩刀鞍馬等物。給與

勅書。言張獻忠餘孽孫可望等逆賊。侵擾湖南。陷民水火。不得不遣兵致討。特命王充定遠大將軍。統率大

兵征勦。王膺茲命。凡事與諸將同心協謀而行。毋謂自知。不聽人言。毋謂兵強。輕視逆寇。仍嚴偵探。毋致疎虞。抗拒不順者戮之。傾心歸順者撫之。總以安民爲首務。嚴禁兵將。申明紀律。凡歸順及恢復地方軍民。不得肆行殺掠。體朕好生至意。其陷賊文武官吏。自拔來歸。俱免罪酌用。有功者仍加敘錄。勦除逆賊。平定貴州。復擇善地屯劄。馳使奏聞。須候旨到。行間將領功績及重罪。俱察實紀明彙奏。各官有犯小過者。當卽處分。至於十人長分得撥什庫以下。無論大小罪過。俱與諸將商酌。徑行處分。王受茲重任。宜殫忠竭力。早奏蕩平。是月。敬謹親王尼堪率師出

京。

世祖親送至南苑。八月。

勅諭定遠大將軍和碩敬謹親王尼堪曰。聞賊入廣西。於七月初四日攻陷桂林府。定南王孔有德自盡。嚮命王勦滅湖南賊寇。平定貴州。今毋往貴州。仍從湖南進取寶慶。其西安府調發滿洲兵將。及提督總兵柯永盛官軍。留於寶慶。王領大兵入廣西。相機搜勦賊孽。其餘一應事宜。俱照前勅遵行。十一月。師抵湘潭縣。賊首僞將軍馬進忠等。領馬步兵已遁還

八旗通志

卷一百三十三

宗室王公列傳五

七

初集



寶慶府。王與衆將商議。將疲弱馬匹。撥梅勒章京二員。又每固山章京二員。每牛彖甲兵四名。留後喂養。遂率官兵自湘潭向衡州府進發。去衡山縣三十里。前鋒遇賊哨卒。追至衡山縣。擊敗爲軍門一員。僞副將五員。馬步賊兵一千八百名。卽於是夜兼程前進。天未明抵衡州。及明。王率貝勒貝子公固山額真等向前。正列陣間。賊兵卽至。王指授頭隊兵擊賊。我兵各依所對之處衝入。賊兵大敗。追殺二十餘里。斬獲甚多。得象四隻。馬八百二十餘匹。殺敗賊兵四萬餘。

八旗通志

卷一百三十三

宗室王公列傳五

八

初集

方頭隊兵擊賊時。我二陣兵正列陣間。忽見兩邊樹林內賊兵齊出。又衡州城內賊來甚衆。王云。我兵凡攻戰之處。俱直入擊賊。我爲宗室。若不斬除逆寇。何面目歸乎。於是奮勇直入擊賊。賊環繞圍之。王身率衆轄。橫豎衝擊。矢盡。拔刀力戰。遂歿於陣。年四十三。十年十月。靈柩自湖南回

京。

世祖命和碩親王以下。二品官以上。出郭十里迎。旣至。世祖欲親臨其喪。諸王大臣力諫乃止。卹典加厚。

賜諡曰莊。十二月。以王次子尼思哈襲封敬謹親王。十七年十一月薨。諡曰悼。乃封敬謹莊親王尼堪長子蘭布爲多羅貝勒。十八年六月。以蘭布父莊親王尼堪陣亡可憫。封蘭布爲敬謹郡王。康熙六年二月。蘭布告伊父亡後。伊弟尼思哈襲封親王爵。伊弟亡後。無故降等襲封。因晉封蘭布仍爲和碩敬謹親王。七年十月。緣事降爲輔國公。十二年十二月。逆藩吳三桂反。十三年六月。蘭布隨安遠靖寇大將軍多羅貝勒尙善率兵往湖廣岳州征之。

八旗通志

卷一百三十三

宗室王公列傳五

九

初集

聖祖仁皇帝欽賜甲冑鞍馬腰刀。十七年二月。卒於軍。鑲紅旗和碩承澤親王碩塞。

太宗文皇帝子。順治元年十月。封多羅承澤郡王。隨定國大將軍豫親王多鐸南征。破流賊。平陝西。安撫河南。二年。往江南征僞福王。破淮揚。直抵南京。四月。

朝廷以王貝勒等在軍前勤勞日久。各加

恩賜。王賜團龍紗衣一襲。五月。渡江下江寧。擒僞福王朱由松。自出京前後戰敗水陸馬步敵兵一百五十餘陣。江南浙江等處悉平。招撫文武官二

百四十四員。馬步兵三十一萬七千七百名。十月凱旋。

賜王金二千兩。銀二萬兩。玲瓏鞍馬一匹。空馬四匹。三年五月。以蘇尼忒部落騰機思騰機忒吳班代。多爾機思哈麟悟思額爾密克石達等。各率所部叛奔喀爾喀。

勅諭集外藩諸蒙古兵於克魯倫河。以和碩德豫親王多鐸爲揚威大將軍往剿。

命王同行。叅贊軍務。至聞騰機思在滾噶樓台地方。卽同德豫親王疾追。凡兩日三夜及之。大敗其衆。

八旗通志

卷一百三十三

高宗室王公列傳五

十一

初集

俘獲騰機思部落兵弁及生畜無算。喀爾喀部土謝圖汗兵迎戰於扎卽布喇格地方。王親率衆列陣。大破之。次日碩羅汗迎戰。復率衆敗之。五年七月奉

命統官兵剿天津土寇。殲之。十一月。以喀爾喀部落二楚虎爾行獵向我邊界。王奉

命統兵駐防大同。是冬大同總兵姜瓖據城叛。六年正月。賊黨劉遷攻代州。據其外關。章京愛松古遊擊高國勝併蒙古兵三百俱被困。王率兵往援。監梯攻城。大破之。斬賊渠郭芳遷。圍解。又於德

勝路遇賊援兵七千。距我兵三里許。結兩營拒敵。王親督戰。敗之。八年閏二月。

世祖章皇帝以王係

太祖之孫。兼軍功懋著。晉封和碩承澤親王。八年三月。命王管理兵部事。十月。任議政。十二年十二月薨。年二十七。諡曰裕。以子博果鐸襲爵。改封號曰莊。康熙五年正月。封博果鐸弟恩克布爲三等輔國將軍。二十年二月。恩克布卒。諡溫僖。雍正元年。莊親王博果鐸薨。諡定靖。碩塞弟博穆博和爾順治十二年二月。封和碩襄親王。十三年七月。薨。年十六。於定例外加祭一次。建造墳祠。康熙十年五月。諡曰昭。弟高塞順治九年九月。封輔國公。康熙八年九月。晉封鎮國公。九年卒。

賜祭葬如典禮。諡愨厚。

鑲白旗和碩裕親王福全。

世祖章皇帝長子。

聖祖仁皇帝之兄也。康熙六年二月。封和碩裕親王。二十九年。厄魯特噶爾丹叛。深入烏朱穆秦地。王奉

命爲撫遠大將軍。率師往勦。八月。聞噶爾丹屯於烏闌

布通。卽統大兵鼓行而進。遇賊前隊。發鎗礮擊之。至山下。見厄魯特於林內。隔河岸相拒。橫卧駱駝以爲障礙。大兵進擊。自未至戍。左翼兵由山腰捲入。大敗之。斬殺甚多。乘勝進剿。噶爾丹迫於追襲。據險堅拒。以誓書乞和。繼使人賫奏章至。王遣人馳奏。

聖祖仁皇帝從之。令仍率大兵駐彼。探噶爾丹出邊遠去實音。未幾主以噶爾丹遁已月餘。遂率大兵內徙。哈嗎爾嶺部臣以王班師。未經奉

旨。議罪擬革王爵。

八旗通志

卷一百三十三

宗室王公列傳五

十三

初集

聖祖以此舉已擊敗厄魯特兵。諸王大臣。概從寬免議。三十五年。復從

聖祖征勦厄魯特噶爾丹。四十二年十一月薨。遣官致祭。如鄭親王例。於常祭二次外。加祭一次。造墳立碑。諡曰憲。

聖祖御製碑文云。國家景運。麗洪本支。百世用惇。秩敘懋建。屏藩矧茲。同氣之最親。加以懿行之茂著。恩無間於終始。禮務盡夫榮哀。紀述生平。倍增愾歎。惟王爲

皇考世祖章皇帝之長子。朕之親兄也。胄旣屬尊。齒復

居長而秉性寬和。持身謙牧。虛受之量。雖疎賤不遺。矜慎之衷。雖細微必飭。而其大者。則在因心展孝。曲盡

慈寧色養之誠。視國如家。克敦夙夜奉公之義。入而預聞大政。出而翊贊戎機。佐致昇平。共享清晏。豈期偶恙。遽邁鞠凶。當王之初疾也。嘗遣醫審藥。躬親再三。王自謂漸瘳。諄辭遜謝。及朕時巡塞上。哀訃忽聞。遂觸冒炎蒸。倍道遄返。輟朝臨奠。製誄抒懷。歷喪禮之告竣。常涕泗之橫集。顧瞻華屋。杳隔春暉。歲月不淹。頓成陳迹。能不悲夫。迄今追維往事。溯自髫齡。或同八旗通志

卷一百三十三

宗室王公列傳五

十三

初集

侍寢門。或偕游禁苑。或叅稽圖史。或陪扈鑾輿。朕日篤家人昆弟之歡。而王則益修臣職。惟謹。四十餘年。曾無失德。天懷樂善。何日忘之。經曰。高而不危。所以長守貴也。滿而不溢。所以長守富也。王服習斯訓。美備厥躬。按法旌行。予諡曰憲。洵無忝矣。茲王之寢園。在黃華山麓。川回巖抱。旣固且完。朕親相度。廼襄大事。嗣子保泰。命紹舊封。式纘王緒。於戲。惟王克忠克孝之節。允樹爲臣爲子之型。王之休德。朕褒揚之。王之後嗣。朕佑庇之。爰据實摛文。勒諸貞石。用垂令聞。於不朽。俾後之覽者。知所景仰焉。

正藍旗和碩恭親王常寧。

世祖章皇帝子。

聖祖仁皇帝之弟也。康熙十年正月册封和碩恭親王。

二十九年七月奉

命爲安北大將軍。與兄撫遠大將軍裕親王福全並出

擊厄魯特噶爾丹於烏闌布通。大敗賊衆。三十

五年二月復與兄福全從

聖祖仁皇帝征勦厄魯特。四十二年六月乙亥薨。

聖祖遣官致祭。爲之造墳立碑。以紀功德。碑文云。國家

因親錫寵。固莫重於宗支。而自近推恩。尤必先乎同

八旗通志

卷一百三十三

宗室王公列傳五

十四

初集

氣。故手足之誼。旣篤生前。軫卹之仁。更加歿後。凡以道隆敦本。禮備飭終。典至渥也。惟王朕之介弟。幼授親藩。久沐尊崇。歷沾賜賚。方期奉天倫之樂。承日接之歡。克保修齡。茂膺多祉。何圖春秋猶壯。齒髮未衰。疢疾忽侵。溘焉凋謝。緬維曩昔。感悼良深。特遣官以築幽宮。復勒銘以垂貞碣。嗚呼。音容漸邈。嗟朱邸之長辭。歲月旋移。悵黃壚之永閔。式頒寵命。昭示來茲。不其休歟。

鑲白旗和碩純親王隆禧。

世祖章皇帝子。恭親王常寧弟也。康熙十三年正月封。

和碩純親王。十八年七月薨。諡曰靖。初疾篤時。聖祖仁皇帝親幸王第。立傳醫調治。午時還宮。以王疾

奏聞

太皇太后復

詣王第視之。以王疾篤復還奏。申時王薨。

聖祖聞訃驚慟。欲親臨王第。奉

太皇太后諭旨而止。於常祭外加祭一次。爲之造墳立

碑。碑文云。

惟稽古懋建懿親。覃敷雍睦。蓋以敦一本。重宗盟也。

朕紹嗣丕基。篤敘倫紀。凡屬天潢之派。咸推王室之

八旗通志

卷一百三十三

宗室王公列傳五

十五

初集

恩。矧任重藩屏。誼殷手足。眷念旣深於存歿。典章豈

靳夫哀榮。惟王乃

皇考世祖章皇帝之子。朕之弟也。質成聰敏。性秉溫恭。

孝友克彰。謙仁遜懋。裕含章之雅範。弘樂善之休風。

朕夙重天倫。不吝封爵。賜之茅社。永固河山。方謂回

氣之親。克樹作邦之翰。何期早嬰危疾。遂致長逝幽

冥。睠昔偕侍

慈幃。同歡別殿。雖爾實凜君臣之分。而朕無間昆弟之

情。往事如存。流光頻易。中心眷戀。何日能忘。是用特

命有司。式循彝憲。務極優崇之數。庶抒惋悼之懷。旣



相土而賜塋。仍易名以旌行。錫之嘉諡曰靖。於戲。寵沛褒綸。聿表親賢之望。崇開吉兆。尙昭友悌之忱。俾勒穹碑。永垂奕禩。

鑲白旗和碩恒親王允祺。

聖祖仁皇帝子。

世宗憲皇帝弟也。康熙三十七年三月。封爲多羅貝勒。四十八年三月。晉封和碩親王。錫號曰恒。雍正十年閏五月薨。

賜祭葬如典禮。諡曰溫。十二年四月。立碑墓道。碑文云。

朕惟國家展親惇典。立愛必始於因心。賜卹推恩。錫

八旗通志

卷一百三十三

宗室王公列傳五

六

初集

類宜先於同氣。故眷隆存歿。禮備哀榮。凡以厚本支。示優渥也。惟王銀潢行派。玉牒傳芳。蚤膺茅土之封。庭闈趨侍。用作屏藩之寄。華萼承輝。秉性和平。茂著含章之望。持躬謙謹。勉期樂善之風。方謂頤養天和。庶遐齡之獲享。詎意遽膺疾疢。乃奄逝之忽聞。軫惻良深。彝章備舉。旣易名而致醊。復營葬以勒珉。嗚呼。悵音塵之永隔。念切荆枝。煥綸綍之常新。情深雁序。式頒寵命。昭示來茲。不亦休歟。

鑲白旗和碩淳親王允祐。亦

聖祖仁皇帝子。

世宗憲皇帝弟也。康熙三十七年三月。同兄恒親王允禩俱封爲多羅貝勒。四十八年三月。晉封多羅淳郡王。當是時。

國家承平日久。累洽重熙。兵民樂業。而八旗事務。有漸致廢弛者。五十七年十月。

聖祖諭議政大臣。內大臣等曰。每旗都統副都統。或有起家微賤。專意狗庇。一應補放官員。併佐領等事。恒有遲至數年。或十年不奏者。或一官病故已久。數年尙仍給俸者。一切事件。漫不稽查。甚是曠廢。正藍旗滿洲都統顏信前往出兵。其滿洲蒙古漢軍三旗之八旗通志

卷一百三十三

宗室王公列傳五

七

初集

事。著七阿哥辦理。別旗各相效法。自必發憤勤事也。

七阿哥者。王之行第稱也。是日並

命皇子原封敦郡王允禩。辦理正黃三旗。固山貝子允禩。辦理正白三旗各事務。王自受事以後。恪共厥職。諸務畢舉。頽風靡習。漸至丕變。雍正元年四月。晉封和碩親王。仍號曰淳。尋以疾解旗務。八年四月薨。諡曰度。

世宗遣官致祭。九年五月。立碑墓道。文曰。朕惟國家展親之典。禮莫重於本支。錫類之恩。誼必先於同氣。眷念旣深於存歿。褒崇宜備於哀榮。惟王乃

皇考聖祖仁皇帝之第十五子。朕之弟也。和平秉性。謙  
謹持身。昔侍

庭闈。克篤承歡之愛。分封屏翰。益弘樂善之風。朕纘緒  
以來。天倫維序。特升位號。晉爵親藩。邸第恬居。守安  
貞之素履。園林靜攝。期頤養於遐齡。詎意沉疴。遽聞  
溘逝。賜帑金而致賻。頒祭醴以抒悲。用備舉夫彝章。  
更摛文於貞石。易名予諡。曰度爲宜。於戲眷雁序以  
含悽。豐碑永勒。荷龍光而增寵。華表方新。垂於奕葉。  
不亦休歟。

正紅旗多羅愉郡王允禩。

八旗通志

卷一百二十三

宗室王公列傳五

六

初集

聖祖仁皇帝子。莊親王允祿同母兄也。雍正四年五月。

封多羅貝勒。八年三月。晉封多羅愉郡王。是時

世宗憲皇帝篤念

皇陵重大。

特命王前往護視。所爲永孝思。重本支者。其意至優且

厚。王體素羸。善病。九年二月薨。諡曰恪。悉按典

禮。

賜予祭葬。十一年十月。爲之造墳立碑。碑文曰。國家建

藩以資屏翰。卹典以重懿親。生荷殊榮。旣剖符而受  
冊。歿膺沃澤。更勒石以垂休。聿弘敦本之仁。彌厚飭

終之禮。惟王

聖祖仁皇帝之子。朕之弟也。輝分玉葉。秀擢金枝。賦性得其和平。素履遵於坦易。朕誕膺寶籙。祇肅

園陵。念茲重地之周防。爰命親藩而護視。用晉封夫王爵。俾擁衛於

寢宮。庶幾頤養安和。迓純禧而延算。詎意體嬰羸瘠。遂高謝於塵寰。庀官物以經營。務從優贍。建豐碑而諡誄。備極哀榮。嗚呼。華萼縈懷。賁丹綸於黃壤。松楸增色。鐫綠字於青珉。垂諸奕世。不亦休歟。

八旗通志

卷一百三十三

宗室王公列傳五

十九

初集

八旗通志初集卷之一百三十四

宗室王公列傳六

怡親王胤祥

八旗通志

卷一百三十四

宗室王公列傳六

一

初集



宗室王公列傳六

八旗通志初集卷之一百三十四

正藍旗和碩怡親王胤祥。

聖祖仁皇帝第二十二子也。生秉粹質。至性過人。幼偕諸王侍。

聖祖於宮庭。嘗隨行。以穉弱未能前視。

聖祖過。尋履跡伏地嗅之。其孺慕誠切如此。及長。祇服慈訓。先意承志。靡不周悉。

聖祖鍾愛甚篤。

省方巡幸。恒命扈從。

恩寵優渥。而王謹度循禮。恪慎有加。不立黨援。不邀名

譽。所屬人衆。承奉約束。公私政事。一無擾累。阿

八旗通志

卷一百三十四

宗室王公列傳六

二

初集

其那妄覲。非分。數以詐術誘惑諸王。王獨不爲所動。康熙六十一年十一月。

世宗憲皇帝肇登宸極。總己以臨。稔知王忠孝純摯。特授封怡親王。

命總理事務。當是時。阿其那包藏禍心。隆科多威福自恣。懷挾奸私。圖亂國是。王屹然鎮靜其間。不動聲色。而僉邪顧畏懾服。已隱然有社稷功矣。

世宗念國儲爲民命所關。十二月。

命王領戶部。管理三庫事。王蒞任後。則以

國家休養蕃息。民物康阜。成賦歲入旣多。經費浩

繁簿籍益冗。蠹弊叢集。於是稽覈精密。出納有經。徑竇爲之肅清。府庫歲有餘羨。國用益饒。維時

世宗宵旰勤勞。日以四海蒼生。安富樂壽。物各得所。爲念。撫財用之豐裕。實足以覃敷

闡澤。凡良法美意。可加恩中外者。百務具舉。江南浙江。江西浮糧。

聖祖屢欲減除。以廷議異同。未果。王推本

聖祖德意。仰體

世宗弘仁。斟酌奏請。旣

八旗通志

卷一百三十四

宗室王公列傳六

三

初集

上聞。乃大嘉悅。

命歲減江南正額。蘇州三十萬兩。松江十五萬兩。浙江之嘉興湖州。江西之南昌。亦次第減除。通計歲減六十一萬兩有餘。直省正供遞行蠲免者。亦數百萬。他若興大役以廣惠利。建大工以資捍禦。膏澤普於黎庶。優賚遍於臣工。疊沛

德音。王實親見

世宗痼瘼弗釋之至意。又適當可以有爲之時。凡

聖心所欲施行者。無不矢竭公忠。贊成盛治。京畿不講水利。早潦無蓄洩之備。雍正三年十二月。

特命總理水利營田事務。王建議興修疏濬河渠築堤置閘區分疆畷經畫溝塍復躬親巡視往返輒經旬月。櫛風沐雨寒暑靡間。務成萬世永賴之利。期年秔稻豐稔民益趨事。旬服以內數千里之沮洳汙萊悉成沃壤。江南水道自河淮而外多致淺塞。王所屬李淑德官江南久熟諳水利。王詢訪形勢奏請修復。

世宗初欲俟畿輔工竣。

命王親往相度。王亦身任不辭。後因江蘇巡撫之請。王奏以東南水利所關甚重不可稽緩。乃按圖指授窮源竟委。因勢利導。工以有成。東南數十州縣。河流疏暢。獲灌溉之利。王雖未身履其地。而億萬生靈。永受其福矣。兩淮鹺政。官吏徵求不已。商以重困。自王總理戶部。浮費大省。商力益裕。輸將以時。準噶爾逆天犯順。窺我邊陲。

世宗欲中外久安。救寧疆宇。不得已而用師。王叅預密

議。洞屬機宜。遠近險易。瞭若指掌。衣資芻粟。馳馬甲兵。計日轉輸。從無稽誤。軍需數以千萬計。一出於庫帑。絲粟不以及民。輓輸數年。而海內未嘗知有用兵之事。由王筦度支而儲蓄充裕。

八旗通志

卷一百三十四

宗室王公列傳六

四

初集



調度得宜也。王資性精敏。忠勤弗怠。初視部事時。案牘壅滯。累積。王剔除宿習。獎勵曹司。於展限四十日中。舊案數千。悉經理就緒。部務於是。一清。自議政及戶部三庫而外。

特命王察核議覆之事。不可勝計。王事事準協情理。允  
愜

聖心。餘若

內殿營造。

舊邸諸務。宮中府中事。無鉅細。一以咨王。王綜理  
細密。事必躬親。竭力輸誠。精詳周協。既在病中。

八旗通志

卷一百三十四

宗室王公列傳六

五

初集

而部案紛紜。披閱不倦。王冲懷樂善。扶佑賢良。公忠爲國。與同事諸大臣共矢寅恭。協心籌度。所保薦封疆大吏。多克稱任。遇下仁恕。人樂爲用。部曹賢能者。善待之。含容小過。能改則已。舉効悉秉大公。未嘗以喜怒有所偏向。至訓飭侍衛。練習禁軍。拔擢材勇。鼓舞成就之。以備

國家之用。孜孜好善之意。無在不然也。至於事關軍國者。知無不言。言無不盡。青海用兵。隆科多。以私怨撓軍計。王力言專閫之道。不容掣肘。

世宗用王言。蕩平旋奏。部帑虧空。積有歲年。

命王清釐實數。王以年久數多。典守者衆。請大沛恩澤。  
槩予保全。乃一一核奏。爲數至二百五十餘萬。  
又請經理代償。

諭以侵國帑而長子孫。不懲無以示後。未允所請。然數  
年中。王以庫入之美代償者。已十之八九也。王  
爲國爲民。濟人利物。因事効忠。日有獻納。而惟  
恐人知。

聖言或偶一宣布。則惶悚不可名狀。

世宗不欲違王意。不以宣示廷臣。及王身後。

聖意追思弗釋。

八旗通志

卷一百三十四

宗室王公列傳六

六

初集

諭旨屢頒。於是入告之嘉謨。昔所造膝密陳者。始顯著  
中外。如寬免雍正三年以前積逋。開復詿誤。皆  
自王發之。至今誦繹。

溫綸。王生平至誠愷惻之意。尚流溢於言辭之表。啓沃  
之功。爲用弘矣。王承

命訊鞫大獄數十事。詞所連引甚衆。王平心研究。以至  
誠感格愚頑。以情理折服虛誕。不待加刑。而人  
自吐實。奏讞條上。一歸平允。蓋王存心忠厚。聽  
斷公明。實能仰體

聖主如天好生之心。以成國家刑期無刑之治。嘗奏言

曰聽訟之道。求諸詞色。以察情僞。設誠以待之。據理以折之。未有不得其情者。惟大猾狡獪。不得已而施之。敲撈若槩。用重刑。鍛鍊成獄。三木之下。何求不得。此折獄之未免有冤抑也。

世宗深歎以爲仁人之言。

命天下直省有司。刻木榜置堂署。時時省覽焉。四年七月。

世宗親灑宸翰。書忠敬誠直勤慎廉明八字。賜王。條析王善行。宣諭中外。謂八字皆王實蹟。無分毫過量。至王居心之方正。秉性之和平。待人之寬厚。遇下之仁惠。八字尚未能備舉。前後屢頒諭旨。敘述王嘉謨懿行。不下數十萬言。復

諭曰。若有一言失實。則不足以傳信天下後世。非以獎王。乃厚誣以譏王。朕不忍也。

玉音渙發。朝野傳誦。咸謂

聖主深知王之德。洞悉王之心。故言之親切周詳。而王德業之崇隆。勲功之表著。實足當之。無愧云。

世宗自聞王嬰疾。醫禱備至。每欲

親往臨視。王再三懇辭。旬月間。必力疾入見。以慰

聖念。迨病勢寢劇。恐貽

聖憂移寓西山養疴。至夏四月始返邸第。

世宗適以禱雨還宮。既得雨。王屢奏請

駕幸圓明園。迨

世宗聞王疾革。既

命駕往視。而王已脫然逝矣。始則不欲以病狀煩

睿念。繼則不欲以永訣傷

聖懷。而於己身之生死。毫無顧慮。非具慧覺之性。去來

自主。而一息不忘忠愛者。其孰能之。王薨。

世宗震悼。輟朝三日。

親行奠醑。特於宮中持素服匝月。自移殯攢廬。月遣官

八旗通志

卷二百三十四

宗室王公列傳六

八

初集

致祭。及葬期已屆。

世宗自製祭章。率宮眷及諸王皇子。以家人禮致奠。攷

周禮大烝之典。以王配食。

廟廷。復憶曩時。與王同事

皇考聖祖。友愛之情。宛然如昨。凡告

廟典。禮應書名者。仍書王原名。以誌永念。又以古有大

功者。錫之顯謚。復申之美號。以褒揚之。宜以所

賜忠敬誠直勤慎廉明八字。冠之謚法之上。王靡善不

臻。易名之典。宜謚曰賢。以包衆美。廣集廷議。僉

云合禮。

世宗滴淚研硃以書之。中外臣僚感德慕義者皆得請旨叩奠。或遣使致祭。十五省之人民請建祠崇祀者遠近相屬。不謀而同。

特允於奉天直隸江南浙江各建祠宇以昭崇報。每當邸第告奠之日。滿漢文武諸臣皆悲痛失聲。及啓殯。宗室王公舉朝紳士步行哭送。暨道旁者民走卒靡不焚香泣拜。婦孺亦灑涕歔歔。王之懿德美行入人之深者如此。王操履廉潔謙讓。一出於中誠。

八旗通志

卷一百三十四

宗室王公列傳六

九

初集

世宗屢加錫賚。王必懇欵固讓。初欲準分封之例。賜以所應得則辭。繼欲準裕親王例。令支官物六年。則又辭。繼命增加儀仗一倍。則又辭。繼加賜親王俸萬金。辭之不允。則封識所賜而藏之。卜葬之地。瑩域之制。務循儉約。預囑遺言。先是王奉命相地泰寧山。山勢聯絡。有中吉次吉之地。

世宗欲以中吉者賜王。王驚懼色變。固辭。語至悚切。自於淶水擇平善之地以請。及病恐復以前所欲賜者賜之也。請益力。

世宗不得已從之。王欣喜不自勝。既遣護衛啓土。取小塊吞之曰。若是則臣心安而子孫蒙福矣。又按

會典成式。繪墳院圖。示王妃暨諸子曰。毋違吾言而越往制。至身後。府中司事者以聞。

世宗鑒王平日退讓誠切。遺言不忍不從。從之。則又於崇德報功之典未稱。

詔廷臣集議。僉謂王賢不世出。宜斟酌舊章。增廣崇廓。特加採納焉。以十年九月葬涑水縣之水東村。從王志也。王蒞事八載。精白一心。光輔大業。

世宗嘗曰。朕實賴王翼贊昇平。王實能佐朕治平天下。咸謂聖主賢臣之相遇。數千百載而一見。今且於本支

八旗通志

卷一百三十四

宗室王公列傳六

十

初集

帝胄之間得之。其盛難概見云。數年來。

特加恩禮於王。及王恭代行禮之日。天氣必融和晴霽。以夏五月移殯。而清和涼爽。無炎歊之氣。自發引至葬。風恬日朗。徒役歡欣。當大殮時。

世宗將臨視。望東南雲氣。宛若神人。聳立層巒。與王惟肖。俄幻爲虎。適當王邸第之上。虎於十二辰中爲寅。王之生年也。王功德隆盛。其大者旣卓卓在人耳目。卽小節亦多人所不能及。

聖祖在熱河。偶遣中使回宮。王迎問

起居。墜馬脫脰。強自抑按。仍齊集請

安。不自知其足之傷也。奏牘呈進。

御前者。筆札必致精謹。微至縹囊緹篋。一一經心。王事  
上之心。毫不敢苟如此。王精於騎射。發必命中。馳驟如  
飛。嘗從獵。猛虎突出林間。王神色不動。手利刃  
刺之。見者服其神勇。詩文翰墨。皆工敏清新。而  
自以未能度越古人。不欲以此自見。亦不自料  
僅止中壽。遺稿遂至散失。間有吟咏。曾經

御覽者。吉光片羽。

特珍愛存錄。藏之宮中。嘗

諭大學士張廷玉曰。朕暇日編集詩文。當錄王所作。附

八旗通志

卷一百三十四

宗室王公列傳六

十一

初集

見卷中。以傳永久。至於宗門上乘。深究密諦。明靈了  
徹。慧悟融通。至末後一著。撒手游行。全體呈露。  
斯可共證矣。八年五月朔之四日。王薨。年四十  
有五。十一年。立碑墓道。

世宗御製碑文云。朕惟國家啓昌隆之運。則誕降名臣。  
祖宗鍾福慶之貽。則篤生賢胄。粵若師師。虞代稷契。  
爲帝室之英。濟濟周朝。旦奭是姬宗之彥。莫不紀諸  
謨典。頌以聲詩。前蹟可稽。遺編具在。如朕弟怡賢親  
王。則於古有光者也。王秉乾坤之清淑。萃川嶽之精  
華。爰自幼年。早徵至行。禁庭奉

誨循禮度以持躬。內殿承

歡篤孝思於繞膝。實超出於同氣。久默識於中懷。是以  
續紹之初。慎選親賢之寄。特加恩命。晉授王封。正在  
亮陰。俾膺總理。當良奸之雜處。以鎮靜服羣情。遇綱  
紀之待釐。以精明襄萬務。誠勞既著。眷倚逾殷。綜中  
外之訏謨。司兵農之大計。而王恪勤匪懈。兢勵彌深。  
體朕心爲己心。視國事如家事。詳核度支之積實。府  
藏充盈。請蠲吳越之浮糧。閭閻康阜。興田功於畿內。  
秔稻連疇。籌水利於江南。河渠順軌。至若邊形指掌。  
瞭大勢於川原。武略在胸。贊成謀於幃幄。壯戎容於  
八旗通志

卷一百三十四

宗室王公列傳六

三

初集

鴈積。組練鮮明。裕軍實於龍沙。驂騶騰躍。蒼黔恬樂。  
罔聞徵發之頒。朝省安閒。莫見運籌之迹。是其潛思  
默算。備竭精誠。故能應變投機。不形聲色者矣。扶持  
正直。公道於以昭彰。薦達猷爲。人材由茲奮起。度惟  
謙挹。同事務協於和衷。量本寬弘。曹官胥歸於涵茹。  
領周廬之環衛。訓練維勤。定宮府之規模。施爲悉當。  
凡關於民生吏治。知無不言。曾經其熟計深圖。行皆  
有效。祇慎而不宣於衆。退讓而恐居其名。皆中禁之  
密陳。豈外廷之能曉。心迹則青天白日。衾影無慚。節  
操則瑩玉清水。垢塵不染。研幾窮理。得聖經賢傳之



精微。輔世寧民。具帝佐王臣之蘊負。道光竹帛。恢平  
章調燮之勲。瑞叶星雲。樹喜起明良之範。朕實賴王  
治安寰寓。王實爲朕翊贊昇平。旣歷八年。有如一日。  
斯乃

上天降佑。

列祖垂庥。賚良弼於本支。作盛時之梁棟。於

皇考爲孝子。於朕躬爲純臣。自昔罕聞。在今幸覲。惠慈  
之性。宜其克享遐年。豈弟之恩。足以迓承繁祉。人情  
胥願。天數難齊。詎盡瘁以忘軀。遂抱疴之纏體。禱

神祇而靡應。商醫藥而弗瘳。王忠愛之忱。始終一致。沉

八旗通志

卷一百三十四

宗室王公列傳六

十三

初集

綿之候。遷避而勿敢上聞。危篤之期。溘逝而慮傷永  
訣。朕將臨視。王已飄昇。望幻影於雲中。靈奇示象。蛻  
色身於塵界。慧覺超凡。生有由來。理當可信。王幽明  
感德。遠近歸仁。錫命每申。則日晴紫陌。祖筵方徹。則  
風藹青阡。虔叩總幃。動舉朝之痛憶。競隨素紼。溢長  
路之悲號。嘗賜標題。畧傳梗槩。忠敬而兼之誠直。勤  
慎而益以廉明。禮重易名。約一言而該美善。義隆加  
諡。冠八字以示寵褒。朕親奠郊垵。頻紆車駕。時陳牲  
醴。每遣臣僚。敦儉素之風。瑩兆本由於自擇。議推崇  
之典。經費優給於官供。吉宅旣安。豐碑宜勒。於戲。念

股肱之誼重。雕刻金鏞。倦手足之情深。鋪揚玉牒。功  
高德茂。享亘古之鴻聲。生榮死哀。備生人之全福。將  
使斯文炳煥。偕星耀以流輝。貞石嵯峨。與峯巒而永  
峙云爾。王子五人。弘昌。弘暉。弘皎。弘聆。弘曉。弘暉初  
冊爲世子。與弘聆皆早歿。弘暉之歿也。其所聘  
傅察氏。堅志守節。詳見列女傳。弘昌封貝子。弘  
皎封寧郡王。弘曉襲封怡親王。俱醇謹能守王  
遺訓焉。

八旗通志

卷一百三十四

宗室王公列傳六

十四

初集

八旗通志初集卷之一百三十五

宗室王公列傳七

武功郡王禮敦巴圖魯

慧哲郡王額爾袞 宣獻郡王界堪

通達郡王雅爾哈齊

豫郡王多鐸 信郡王多尼

信郡王鄂扎 信郡王董額

原封貝勒察尼 弟原封輔國公費揚古

八旗通志

卷一百三十五

宗室王公列傳七

一

初集

武功郡王禮敦巴圖魯者。

景祖翼皇帝長子也。創業之初。由虎欄哈達之黑圖阿喇城。展拓疆土。四征不庭。禮敦所向克敵。因加巴圖魯號。巴圖魯漢言勇也。初

景祖時。有名碩色納者。生子九人。俱强悍。又有名加虎者。生子七人。俱輕捷多力。嘗身披鎧甲。連躍九牛。二族恃其強。侵陵諸路。

景祖以禮敦英勇。率同寧古塔諸貝勒往征之。破碩色納子九人。滅加虎子七人。盡收五嶺迤東蘇克蘇。沿河迤西。二百里內諸部。歲癸未。

八旗通志

卷一百三十五

寧室王公列傳七

二

初集

景祖翼皇帝。暨

顯祖宣皇帝。龍馭上賓。並建

山陵於黑圖阿喇城。未幾禮敦巴圖魯亦卒。因耐葬

陵側。黑圖阿喇城卽今

興京也。天命九年。

東京旣建。

太祖高皇帝。命宗弟鐸弼。王善博。伊和齊。往黑圖阿喇

城謁

祖陵。爰奉

祖考梓宮。昇以黃輿。及禮敦巴圖魯。昇以朱輿。悉遷

葬於

東京崇德元年夏四月創建

太廟。

太宗文皇帝追念前勳。做歷朝配享之禮。

特追冊禮敦巴圖魯爲武功郡王。於

太廟後殿右末立神位。東向配享。其祝文云。嗣位孫敢昭告於族祖神位前曰。惟我族祖。竭力爲國。厥功匪細。茲謹做古制。不没祖功。追封爲武功郡王。配享廟庭。永彰祖譽。是時同姓功臣配享。

太廟者。惟禮敦巴圖魯一人。至順治十一年。始益以慧

八旗通志

卷一百三十五

宗室王公列傳七

三

初集

哲郡王額爾袞等三人。並列位中殿東廡。四時配享。王妃等亦設位從享焉。

多羅慧哲郡王額爾袞。

景祖翼皇帝第二子。順治十年五月乙酉。以開創翼贊功。追封多羅慧哲郡王。十一年三月乙卯。與宣

獻郡王通達郡王同時配享。

太廟。

多羅宣獻郡王界堪。

景祖翼皇帝第三子。順治十年五月乙酉。追封多羅宣獻郡王。十一年三月乙卯。與慧哲郡王通達郡

王同時配享

太廟。

多羅通達郡王雅爾哈齊。

顯祖宣皇帝第三子。

太祖高皇帝同母弟也。順治十年五月乙酉。追封多羅

通達郡王。十一年三月乙卯。與慧哲郡王宣獻

郡王同時配享

太廟。王列第一位。以親敘也。三王並以宗室至親。當開

國之初。艱難戮力。勳業鴻偉。自

國家定鼎燕京。凡

八旗通志

卷一百三十五

宗室王公列傳七

四

初集

興京盛京功冊。俱無可稽。惟

世祖章皇帝。欽定三王配享之典。可考見焉。

正藍旗多羅豫郡王多鐸。

太祖高皇帝第十五子也。初封貝勒。天聰二年二月。與

同母兄多爾袞。從

太宗文皇帝。往征察哈爾國多羅特部落。大捷。俘獲萬

餘。

車駕將還瀋陽。於途中大宴。從征將士。

太宗顧諸貝勒言。蒙

天眷佑。率幼弟領偏師。往征異國。俘獲凱旋。宜賜二幼

弟以名。於是名多爾袞貝勒爲墨爾根代青。多鐸貝勒爲額爾克楚虎爾。三年十月復從征。明大兵逼北京。明寧遠巡撫袁崇煥等來援。以多鐸年幼留後。值明潰卒來犯。追殺之。十二月從太宗往視薊州。斬山海關援兵五千人。五年七月復征明。大軍西發。抵大凌河。夜圍其城。以正白旗固山額真喀克篤禮率本旗兵圍東南之北。多鐸率擺牙喇兵在後策應。又與大貝勒代善等率兵三千。以紅衣礮圍攻明臺。明臺軍死者三十餘人。十一月與濟爾哈朗貝勒等率兵三千五百。往塔山以東。阻截邊海隘口。俘獲百餘人。六年四月往征察哈爾。大兵分路前進。多鐸等率右翼兵二萬。往畧歸化城。黃河一帶部民。八年五月復從征明國。七月與阿濟格貝勒等率兵自巴顏朱爾格地方入龍門。會兵於宣府。自龍門口入邊。擊明叅將馬步兵敗之。又奉

命率兩黃旗每牛錄兵五名。往畧保安州一帶。攻克其城。殺其守備。畧取沿途村堡。會大兵於應州城。獻所俘獲。八月往畧朔州。東至五臺山而還。九年遣貝勒多爾袞等征明。五月。

太宗諭諸貝勒大臣曰。出師諸貝勒。此時想已入明境。明國必調寧遠錦州兵。往山西救援。我兵今當入寧錦地界。遙望立營。使彼望見我軍。以遲其救援之兵。遂於每牛录下。選擺牙喇二人。以多鐸爲帥。命艾度禮阿格等輔之。隨率兵入明廣寧地方。遣昂邦章京阿山。石廷柱。甲喇章京圖賴。吳拜。郎印。察哈爾等諸大臣。率兵四百先趨錦州。自率大兵隨後。遇十三站立營。明錦州總兵祖大壽。隨令副將劉應選。穆祿吳三桂等率兵二千七百名迎探。大壽又自率馬步兵出錦州城五里立營。時松山城守副將劉成功。趙國志率兵八百。與錦州副將劉應選等。合兵來至大凌河西。與我前鋒阿山。石廷柱等所率兵四百名遇。相對列陣。俱不敢交鋒。阿山。石廷柱等以我兵寡。馳報多鐸。多鐸遂率兵馳赴。明諸將見我軍形勢。如木石自山而下。塵土蔽天。不知多寡。遂大驚奔潰。阿山。石廷柱。圖賴。吳拜等率兵四百。突入掩殺。兩路追擊。明副將劉應選兵五百名。盡殲之。生擒遊擊曹得功。及守備三員。獲馬匹甲冑無算。距錦州松山城五里收軍還。次日。攻一



臺克之凱旋。

太宗親迎於五里外。多鐸獻陣獲官三員。及所得軍器馬匹等物。

太宗以多鐸初專閫外。能出奇取勝。嘉獎之。賜良馬五匹。甲五副。崇德元年。進封和碩豫親王。與睿親王多爾袞等率師往征明國。分兵兩翼。王率左翼兵由錦州入。九月丁未。遣納木蘇巴賴賽送錦州城內投誠人至。丁卯班師。旋以事降貝勒十二月。

太宗親征朝鮮。率諸王貝勒等統大兵起行。遣戶部承

八旗通志

卷一百三十五

宗室王公列傳七

七

初集

政馬福塔等率兵三百。僞爲商人。前行往圍朝鮮王國都。多鐸等率擺牙喇兵千人繼之。至其城。朝鮮王棄國逃遁。閉城不納。我兵不用雲梯。跨城直入。城上軍士不敢禦敵。各路奔竄。聞國王遁去。信息。卽穿城追之。至四十里南漢山城。環繞立寨圍之。朝鮮王外道之兵。聞其王被圍。有巡撫一員。率兵一萬八千來援。分立兩營。隨遣貝子碩託。尼堪博和託羅託。國舅阿什達爾漢等。率兵迎敵。悉斬之。又一副將率兵五千來援。仍遣碩託。尼堪博和託羅託。阿什達爾漢等。

擊敗之。二年正月。大兵北渡漢江。營於江岸。距王都城東二十里許。朝鮮全羅忠清兩道巡撫總兵合兵來援。立營於南漢城。多鐸率兵往視。值天雪陰晦。不見敵營。遂縱兵進戰。擊敗山下。列陣敵兵。追至山頂。大營始收兵。復率兵進擊。朝鮮兵已棄營夜遁。獲馬一千一百四十四匹而回。二月。朝鮮降。乃班師。三年二月。從

太宗親征喀爾喀。多鐸率本旗擺牙喇兵及土默特兵。

從寧遠錦州中間進發。大兵從義州一路進發。

多鐸將入邊時。先遣俄羅塞臣往邊外擊其哨

八旗通志

卷一百三十五

宗室王公列傳七

八

初集

卒。殺三人。生擒一人。又遣扎朱古往擊哨卒。生

擒二人。又遣翁克喀爾塔喇往截道路。生擒六

人。聞桑噶爾寨舊居之堡。爲移營蒙古所據。遂

往覓桑噶爾寨堡。豎梯攻入。堡內有守備一員。

男子二百。俱斬之。獲婦女幼丁七十口歸。途遇

祖大壽所遣二人。執令箭赴錦州。多鐸生擒以

獻。復奉

諭旨。率本部兵前往中後所。助鄭親王濟爾哈朗。十一

月。率本部兵前行。將過中後所。會明總兵祖大

壽聞我兵侵北京。率兵往援。至其城。遂以兵來

襲我兵且戰且退。殺敵兵三十名。卽於是夜至濟爾哈朗營。次日多鐸率兵復至中後所。大壽兵畏不敢出。四年十月。率官兵往畧錦州寧遠等處。斬總兵金國鳳及其二子。五年三月。奉

命爲左翼主帥。與鄭親王濟爾哈朗。率官兵往修義州城。駐劄屯田。令明國山海關外寧錦地方。不得耕種。五月。有原投明國之蒙古多羅特部民蘇班代阿巴爾代。於杏山西五里臺居住。密遣托克托內來乞降。請急發兵前往接應。多鐸奉

命與濟爾哈朗等。率擺牙喇兵一千五百前往。夜過錦

八旗通志

卷一百三十五

宗室王公列傳七

九

初集

州城南。天未明。至杏山。令托克托內潛入臺。報知蘇班代阿巴爾代等。生擒漢人六名。並攜其家貲牲畜以行。及黎明。來援松山總兵劉周智。率馬步兵沿城布列。松山錦州兵陸續而至。皆與周智合營。分翼列陣。進逼我兵。多鐸與濟爾哈朗等皆進戰。擊敗敵兵。沿路追勦至城下。擒明副將楊倫周。延州叅將李得位。斬之。獲旗纛馬匹盔甲等物。

太宗賜多鐸御廐良馬一匹。九月。與鄭親王濟爾哈朗等。率滿洲蒙古漢人官兵一半。往代睿親王多

爾袞等圍明錦州松山。隨令每面立營八處。遠城俱掘深壕。壕邊修築堦口。兩旗中間。又挑掘長壕。近城設邏卒哨探。錦州城中蒙古皆大驚。遂謀來降。遣二人持降書二封。縋城至我營。約我兵四面往攻。諾木齊守東門。吳巴什守南門。當爲內應。祖大壽聞吳巴什諾木齊等有異志。遂整兵於日暮時至外城門。遣副將遊擊各一員。率兵欲以計擒吳巴什等。爲吳巴什等所覺。卽執兵器相拒。外城蒙古等亦爭執兵器助之。喊陣之際。多鐸等聞之。與濟爾哈朗等相繼至城下救應。關內蒙古縋繩下。我兵陸續援繩而上。與明兵戰於城下。明兵敗入內城。我兵遂皆入關。將城中蒙古男婦及一切器物。盡發送義州。遣轄代袞等齎疏奏捷。

太宗大悅。命八門擊鼓。召衆於篤恭殿宣捷。六年。明援

兵自杏山詣松山。多鐸與鄭親王等率兩翼兵分伏於錦州南山及松山北嶺。令噶布什賢兵往誘敵。及敵來追。伏兵齊出。噶布什賢兵返擊。右翼伏兵又追擊其後。大破之。俘獲四千餘人。斬一百七十人。獲馬一百十六匹。甲七十六副。

六月。睿郡王多爾袞等來代。明關內援兵出自松山城。向海濱前進。我左翼兵向松山之東。右翼兵向松山之西。掩殺至松山城壕。敗之。獲馬五十餘匹。八月。明洪承疇率八總兵等兵十三萬來援錦州。

太宗親統大軍往征之。明兵大驚。八總兵等分路奔遁。太宗命貝勒羅洛宏。貝子博洛內。大臣圖爾格等。每旗以精兵二十名。及正白旗擺牙喇兵。翁牛忒部兵。錫翰多爾濟兵。俱付多鐸。令其設伏。明總兵吳三桂。王樸率兵從杏山出奔寧遠。我噶布什賢兵見之。自杏山西截入大路進擊。吳三桂。王樸率敗兵將至高橋。多鐸伏兵四起。阻截前路。追兵躡後。吳三桂。王樸手足無措。各路潰竄。我兵追擊。至暮方收兵。自海濱至桑阿爾寨堡。列兵固守。敵有乘夜走者。俱斬之。吳三桂。王樸僅以身免。多鐸又奉

命圍松山。松山城內馬步兵全出。夜犯我鑲黃旗固山額真石廷柱汛地。我兵擊敗之。斬千餘人。獲礮五十七位。十一月。明督師洪承疇自松山城內出兵六千來戰。夜犯正紅旗擺牙喇阿禮哈超

哈及正黃旗庫魯克達爾漢固山營。我兵各依  
汎地沿壕射之。遂敗去。殺敵四百二十四人。收  
服二千餘人。敵之從杏山宵遁者。爲我伏兵所  
殺。凡五百七十四人。七年二月。明松山副將夏  
承德。自城內密遣人約我兵。乘夜豎梯登城。彼  
爲內應。以其子夏舒爲質。我軍夜半於城南豎  
梯。首阿山固山薩爾糾牛朶下班布里。次何洛  
會固山耿格牛朶下羅洛科先登。其餘相繼登  
城。敵兵方覺。我兵於城上巡邏。次早令夏承德  
部卒別聚一處。大搜敵兵。殺之。俘獲甚衆。生擒  
總督洪承疇。巡撫卬民仰。總兵王廷臣。曹變蛟。  
祖大樂。遊擊祖大名。祖大成。總兵白廣恩之子  
白良弼等。七月。晉封多羅豫郡王。十一月。以貝  
勒阿巴泰爲奉命大將軍。征明。將入邊口。

命王與郡王阿達禮等。率兵赴寧遠。邊外立營。以制寧

遠援兵。兼捉生。旋遣啓心。郎帕帕。宗室喇世塔

轄至。奏言寧遠總兵吳三桂。率馬步兵出。我兵

擊敗之。獲馬七十二匹。甲三十七副。及弓矢等。

八年三月。疏言今之有識者。皆曰古昔之制。兵

者不得已而用之者也。若恃其強勝。非義妄動。

天必不佑。臣竊思當今之勢。宜暫息兵一二次。至於國中興作。俟規模既定。其他工亦當暫停。但當以農務爲急。農務克勤。則庶民衣食豐足。衣食豐足。則舉國慶豫。舉國慶豫。則

朝廷膺無疆之福。而

聖躬永享安和矣。此後再有舉行。固未晚也。順治元年四月。從大將軍睿王多爾袞征明。破流賊。定燕京。十月。晉封和碩豫親王。十一月。奉

命爲定國大將軍。統領官兵南征。十二月。兵至河南孟

津。遣蠱章京圖賴。先率精兵渡黃河。流賊僞都

八旗通志

卷一百三十五

宗室王公列傳七

三

初集

司黃士欣果毅將軍張有聲各遁去。沿河十五寨堡。兵民俱望風歸附。睢州僞總兵許定國。玉寨首領李際遇等。各擁衆四五萬。亦遣人來降。隨撥兵防守各處。官兵俱向潼關進發。是月至陝州。遣噶布什賢章京索洪拜尹代等率二十騎前行捉生。時李自成賊將張有曾屯兵靈寶縣城外。索洪等連夜襲擊。敗之。師距潼關二十里立營。候紅衣礮兵至進攻。賊渠李自成率援兵至。賊將僞汝侯據山爲陣。以拒我師。噶布什賢噶喇昂邦努山鄂碩等領兵趨拔賊營。賊兵

抗敵。燾章京圖賴率騎兵百餘人掩殺之。斬獲甚多。二年正月。賊將劉方亮率兵千餘來窺我營。燾章京圖賴阿濟格尼堪阿爾津顧納岱宜爾杜齊敦拜杜爾海等率正黃正紅鑲白鑲紅鑲藍五旗各牛朵擺牙喇兵擊敗之。貝勒尼堪拜尹圖等增兵奮擊。復大敗之。俘斬甚多。自成聞敗。親率馬步兵迎戰。王調鑲黃正藍正白三旗兵協力並進。殲其步兵。賊騎兵亦奔竄。賊兵連夜來犯我營。俱擊敗之。旣紅衣礮兵至。遂進逼潼關口。賊兵鑿重壕立堅壁。以截我師進路。於是舉紅衣礮攻之。我師相繼衝入。殺賊無算。穆成格鄂羅塞臣奮勇先入。賊又以騎兵三百橫衝我師。貝勒尼堪懷順王耿仲明貝子尚善擊敗之。賊又分兵躡我師後。蒙古固山額真恩格圖領殿後軍破之。自成兵大敗。遁走西安。燾章京阿濟格尼堪等領兵渡潼關壕口。賊衆望風奔潰。守潼關僞吳山伯馬世堯率所部兵七千餘衆投降。獲馬千餘匹。輜重兵甲無算。師入潼關。擒獲世堯遣往自成處。奸細因併世堯斬之。師至西安。自成已焚宮室。挈子女出藍田口。

八旗通志

卷二百三十五

宗室王公列傳七

酉

初集



奔商州。遂遣燾章京阿爾津等追之。不及而還。  
二月捷聞。

世祖章皇帝諭王曰。聞爾等破流寇於潼關。遂得西安。不勝嘉悅。初曾指麾爾等往取南京。今既攻破流寇。大業已成。卽將彼處事宜。交與靖遠大將軍和碩英親王等。爾等相機。卽遵前命趨往南京。大丈夫爲國建功。正在此時。汝其勉之。三月。王率官兵南征。由西安府抵河南。招降僞平西伯劉忠。因遣官解所獲西安府及潼關二處金印八顆。及金銀珍珠。綉緞等物來京。又疏報三月初七日。臣統兵出

八旗通志

卷一百三十五

宗室王公列傳七

五

初集

虎牢關口。分遣固山額真拜尹圖等出龍門關。兵部尚書宗室韓岱梅勒章京宜爾德侍郎尼堪等。統外藩蒙古兵出南陽。三路兵同趨歸德。所過州縣。盡皆投順。兵科凌嗣叛逃南中。復爲御史出巡河南。適在歸德。擒之。南陽僞副將李好獻劄投誠。隨給劄授爲總兵官。河南開封歸德三府屬州縣。各委官管理。以內院中書趙文蔚爲河南兵備道。王永爲清軍道。總兵高第留鎮河南。孔希貴留鎮歸德。惟開封府尚未留兵駐防。許定國及投誠賊首劉芳興等。俱隨營南

征河南地方初定。請速鑄給各官印信以防詐偽。疏入。奉

旨。王方收關陝。旋定中原。勦寇安民。勦庸茂著。朕甚嘉悅。所請地方各官印信。該部卽與鑄給。四月。

賜王嵌珠寶鍍金順刀一口。帶全副。以破流寇。平陝西。安撫河南。復奉

命征南京。勤勞日久故也。五月。疏奏大兵於四月初五日。自歸德府起行。沿途郡邑。俱已投順。十三日。

離泗州二十里。令固山額真阿山。率蒙古固山額真馬喇希。傅喇克。塔及官兵。前奪泗北淮河。

八旗通志

卷一百三十五

宗室王公列傳七

六

初集

橋。其守泗總兵焚橋遁。我兵遂夜渡淮。翌日追五十餘里。不及。十七日。遣尚書宗室韓岱。梅勒章京伊爾德。纛章京阿濟格。尼堪。署纛章京。杜爾德等。率師至揚州城北。獲船百餘艘。是日。大兵距揚州城二十里。列營。令署纛章京顧納岱。伊爾都齊。費揚古。吳喇禪。梅勒章京阿哈尼堪。署梅勒章京格。霸庫等。前至揚州城南。獲船二百餘艘。十八日。兵薄揚州城下。招諭守揚閣部史。可法。翰林學士。衛引文。及四總兵。二道官等。降。不從。二十五日。令拜尹圖。圖賴。阿山等。攻取

其城獲可法斬之。并戮其據城逆命者。五月初五日。進至揚子江。僞鎮海伯鄭鴻逵。以水師守瓜州。曹總兵以水師守儀真。初六日。我軍陳北岸。相距三日。初八日晚。令拜尹圖。圖賴。阿山。率舟師由運河潛至南岸。列於江之西。距瓜州十里。初九日。復令梅勒章京李率泰。率舟師五鼓登岸。黎明渡江。官兵陸續引渡。令左翼舟師留泊北岸。敵至。則以礮夾攻之。初十日。聞僞福王率馬士英。及諸太監潛遁。十五日。我兵至南京。明忻城伯趙之龍。率魏國公徐州爵保國公。

八旗通志

卷一百三十五

宗室王公列傳七

七

初集

朱國弼。隆平候張拱日。臨淮侯李祖述。懷寧侯孫維城。靈璧侯湯國祚。安遠侯柳祚昌。永康侯徐弘爵。定遠侯鄧文囿。項城伯常應俊。大興伯鄒順益。寧晉伯劉允基。南和伯方一元。東寧伯焦夢熊。安城伯張國才。洛中伯黃周鼎。成安伯柯祚永。駙馬齊贊元。內閣大學士王鐸。翰林程正揆。張居禮。部尚書錢謙益。兵部侍郎朱之臣。梁雲構。李綽。給事中林有本。陸朗。王之晉。徐方來。莊則敬。及都督十六員。巡捕提督一員。副將五十五員。并城內官民迎降。其沿途來歸者。興

平伯高傑子高元照庸昌伯劉良佐提督李本  
深總兵官胡茂正張士元郭護楊承祖李中星  
何應昌翟鳴鳳王之剛李遇春張天祿張天福  
李成棟李棲鳳等二十三員監軍道張健柯起  
鳳副將四十七員叅將遊擊共八十六員馬步  
兵共二十三萬八千三百捷聞。

諭曰。

皇天眷祐。

宗廟式靈。王公將士。分猷宣力。方平河朔。旋定江南。覽  
王奏報。朕深嘉悅。王躬履戎行。指授方畧。克奏膚功。

八旗通志

卷二百三十五

宗室王公列傳七

六

初集

特遣侍臣前赴軍中慰勞。一應有功將帥官兵。作速  
察敘。以憑封賞。王旋奏擒獲故明僞福王朱由松捷  
音。言南京既克。僞福王潛遁太平。臣遣貝勒尼  
堪昂邦章京圖賴。固山額真阿山。同貝子吞齊  
和託。纛章京阿濟格。尼堪阿爾津。敦拜。署纛章  
京杜爾德。梅勒章京伊爾德。阿哈尼堪。噶布什  
賢。噶喇昂邦。努山等。率官兵追之。僞福王復走  
蕪湖。我兵趨擊。僞福王登舟欲渡江。圖賴等遂  
據江口。截其去路。僞靖國公黃得功。逆戰。擊敗  
之。敵兵皆墮水。盡奪其舟。得功中流矢死。僞總

兵田雄馬得功縛僞福王及其妃來獻。率十總兵部衆降。獲金銀紬緞寶玉貂皮等物無算。得

旨。福王就擒。將領兵丁歸順。王平定成績可嘉。各營功次詳察優敘。六月。王疏報官兵已定南京。隨令貝勒博洛固山額真拜尹圖阿山等率領官兵直趨杭州。捷檄招撫浙省。迨我兵至杭。賊分兩路迎敵。大敗之。是夜賊兵悉渡錢塘江逃竄。潞王勢迫。遂率衆開門納款。浙西湖州嘉興浙東紹興寧波嚴州等府亦皆歸順。明淮王自紹興來見。八旗通志

卷一百三十五

宗室王公列傳七

九

初集

復遣人至湖州繫周王眷屬。移杭安置。收總兵王之仁所部兵將二萬五千人。又聞杜楊王在廬州和州作亂。隨令總兵官吳勝兆等率師往勦。獲杜楊王并其妻子。疏入。得

旨。覽王奏報。官兵進取杭城。潞王勢窮歸順。浙江各府盡報遵依。總兵王之仁率衆投降。杜楊王作亂擒獲。俱知道了。王頻奏奇勦。朕甚嘉悅。有功將帥官兵。速行察敘。時有

勅一面招撫未定地方。王遵奉

勅書移文各處。宣布德意。招撫居民。錢糧照常徵解。投

降馬兵仍留本地。步兵酌量裁減。蒙古人投順者。分隸旗下。口糧照滿洲兵丁支給。委任文武各官。請給印信。惟洪武陵寢守陵官暫留。凡緊要圖籍。收藏無失。七月。

詔多羅貝勒勒克德渾爲平南大將軍。來代南征。王還京。十月戊申。

世祖御殿。以和碩豫親王多鐸等。統軍西征。破流賊李自成兵二十餘萬。攻克潼關。下西安等處。又收服河南。進拔揚州。渡江下江寧。擒僞福王朱由松。前後戰敗水陸馬步敵兵。凡一百五十餘陣。八旗通志卷一百三十五宗室王公列傳七 三 初集

江南浙江等處悉平。招撫文武官二百四十四員。馬步兵三十一萬七千七百名。加封爲和碩德豫親王。

賜黑狐皮帽。貂皮朝服各一。金五千兩。銀五萬兩。玲瓏鞍馬等物。三年五月。以蘇尼特部落騰機思騰機忒。吳班代。多爾機思喀布。蟒悟思。額爾密克。石達等。各率所部。叛奔喀爾喀。

詔諭集外藩諸蒙古兵。於渴鹿崙河聽候調發。以王爲揚威大將軍。同承澤郡王碩塞等。率內外大兵。征之。聞騰機思在滾噶樓台地方。因連夜前進。

至第三日追及。擊敗之。獲騰機思妻子及牲畜等。又喀爾喀部落土謝圖汗領兵至扎濟布喇克地方。前來迎戰。王列陣與戰。彼兵大敗。次日。碩雷汗復領兵來戰。王又率兵擊敗之。斬獲甚多。四年七月辛丑。

世祖御太和殿。冊封和碩德豫親王多鐸為輔政叔德豫親王。

賜金千兩。銀萬兩。鞍馬一匹。空馬一匹。增冊文曰。定鼎中原以來。所建功勳。卓越等倫。因封輔政叔德豫親王。六年三月丁丑。王薨。年三十六。子多尼封和碩信八旗通志。卷一百三十五。宗室王公列傳七。三。初集。親王。七年三月。

命為輔政叔德豫親王多鐸立碑。九年。鄭親王濟爾哈朗等。會議豫王係睿王親弟。應盡削王爵。

世祖念其功。止追降為郡王。康熙十年五月。追諡曰通多羅信郡王多尼。豫郡王多鐸子也。崇德七年七月初。封多羅郡王。順治六年。父薨。十月。襲父親王爵。八年二月。給封號曰信親王。九年三月。以鄭親王濟爾哈朗奏言。睿王多爾袞以罪降封。今多尼之父德豫親王多鐸。係睿王親弟。亦應追降為郡王。多尼亦應降爵。得。

旨如所奏。遂降爲郡王。十月擢任議政王。十五年正月奉

命爲安遠靖寇大將軍。統領官兵進雲南。征故明僞桂王。遂與征西大將軍平西王吳三桂。征南將軍固山額真趙布泰會於平越府之楊老堡。定議分兵進取。王自貴陽入。吳三桂自尊義入。趙布泰自都勻入。約以十二月會師雲南省城。王統兵至安莊衛。斬僞將軍劉姓者。追至盤江。賊焚鐵索橋遁去。我兵作浮橋而濟。至松嶺衛。僞鞏昌王白文選率兵二萬拒戰。分路進擊。大敗之。

八旗通志

卷一百三十五

宗室王公列傳七

三

初集

遂進抵雲南。時吳三桂趙布泰亦至。三路大兵同入省城。僞晉王李定國與白文選挾僞桂王奔永昌。十六年春。王與吳三桂趙布泰率兵追至鎮南州。聞白文選屯兵玉龍關。隨遣噶喇昂邦白爾黑圖等進擊破之。獲僞鞏昌王金印一顆。生擒僞總兵呂三貴。追至永平縣。賊縱火焚瀾滄江之鐵索橋遁去。官兵乘夜渡江。遂克永昌府。僞桂王及李定國復遁走騰越州。官兵渡瀾江。定國伏兵於磨盤山上迎戰。王分隊衝擊。噶喇昂邦白爾黑圖等先登。斬僞伯竇名望。官



兵繼進。遇伏賊齊發。奮擊大敗之。賊遁走石門。遂克騰越州。直追勦過南甸。至孟村。賊從三宣六慰道遁走。乃班師。

世祖章皇帝嘉其績。賜御用衣一件。及蟒袍褂鞍馬弓矢等物。以慰勞之。十八年正月甲寅薨。年二十六。

賜祭葬如典禮。諡曰宣和。

多羅信郡王鄂扎。信郡王多尼子。順治十八年六月襲爵。康熙十二年冬。逆藩吳三桂反於雲南。十三年三月。耿精忠反於福建。四方蠢動。而察哈爾布爾尼乘機倡亂。亦舉兵叛。

八旗通志

卷一百三十五

宗室王公列傳七

三

初集

聖祖仁皇帝特命鄂扎爲撫遠大將軍往討。以大學士都統圖海副之。又以護軍統領哈克山副都統吳丹洪世祿爲叅贊。臨行。

聖祖諭之曰。大兵出山海關。當宣布累朝待布爾尼厚恩。及朕不忍加誅之意。彼若悔罪來歸則已。否則以勅書付縱還蒙古。持往諭之。卽布爾尼等臨陣來降。亦當保全恩養。今值蒙古馬瘦。爾等速往毋違。四月。王以討平布爾尼捷音至。言臣等帥師往征察哈爾。於是月二十一日次岐爾哈泰。偵知賊屯

達祿。臣等以輕騎前進。二十二日抵達祿。布爾尼設伏山谷間。悉衆列陣以待。臣與副將軍圖海等。分布滿洲蒙古官兵進擊。歷山澗。賊伏發。撲亂土默特兵。我軍擊之。盡殲焉。布爾尼親領大隊。擺列火器相拒。我兵奮擊。賊不能支。遂大敗。察哈爾下都統晉津率其族於陣前降。布爾尼復收潰卒接戰兩次。我軍乘勝衝殺。連敗之。布爾尼兄弟僅以三十騎遁。吹扎布等亦皆散走。二十三日。聞郡主留居瓦子府東三十里。遣官兵迎歸。布爾尼部下佐領五人。兵三百餘名。隨侍衛色冷來歸。得

八旗通志

卷一百三十五

宗室王公列傳七

十四

初集

旨嘉獎。下部議敘。是役獲馬匹器械無算。招撫其餘黨。編爲一千三百餘戶。旋班師還

京。

賜黃金百兩。白金千兩。四十一年十月薨。以其叔父董

額襲信郡王爵。

多羅信郡王董額。順治十八年正月。以係豫郡王多鐸子。封爲多羅貝勒。康熙十二年冬。逆藩吳三桂反於雲南。四川文武官俱叛降於吳逆。十三年六月。董額奉

命爲定西大將軍。率同貝子都統溫齊輔國公綽克託率貝子準達所領驍騎之半。由陝西進四川討賊。十二月。陝西提督王輔臣因兵變殺經畧莫洛。率兵叛回畧陽。十四年二月。

聖祖仁皇帝命董額統兵先往定平涼秦州諸處。隨率兵至鳳翔府之隴州。距城四十里。有逆賊僞總兵高鼎等聚衆四千。在關山河岸立營拒守。遂同署前鋒統領穆占。西安將軍佛尼勒副都統達禮善。巴圖魯分布八旗官兵。令驍騎兵俱各步行以爲前隊。前鋒兵及護軍兵俱爲後隊。又入旗通志

卷一百三十五

宗室王公列傳七

三

初集

豫撥都統赫業就近應援。整陣前進。自己至午接戰。賊尚未退。赫業援兵助戰。合力衝擊。賊大敗遁走。斬殺甚多。因乘勝追擊。遂恢復關山關。三月。官兵抵秦州圍其城。四月。王輔臣遣賊兵萬餘。自四川平涼來援。又賊兵八千餘。自城內突出。我兵分道迎擊。大敗之。嗣是屢戰屢捷。總兵官孫思克又奉調自鞏昌率兵來會。賊驚懼。僞總兵陳萬策率兵民出降。賊將巴三綱等遁去。遂復秦州。其四川平涼來援賊兵俱潰遁。隨遣振武將軍佛尼勒內大臣坤巴圖魯總兵官

孫思克追勦於禮縣。西和等處連破之。并復禮縣。清水。伏羗。西和等縣。又遣西安將軍穆占率兵赴援鞏昌。恢復郡城。尋又招撫歸川十二堡。僞叅將普國祥。及兵千餘名。進兵平涼。是時平逆將軍畢力克圖與揚威將軍阿密達亦奉有會兵赴平涼之

旨。俱於八月至平涼。逆賊出城迎戰。董額與畢力克圖。阿密達率衆奮擊。屢敗之。斬僞總兵郝天祥。其餘擒斬者無算。初逆賊王輔臣具疏請降。

聖祖知其詐。不許。九月。董額疏請再赦王輔臣併所屬八旗通志卷一百三十五宗室王公列傳七  
官兵之罪。仍令駐守平涼。

聖祖以逆賊王輔臣誘我緩兵。其計顯然。貝勒董額不速勦滅。反請寬宥其罪。

特諭切責之。令其速行圍城。務期勦滅。旣而賊兵四出。興安賊衆犯商州大峪口。川賊譚洪救平涼。逆賊王輔臣遣其黨周養民圍困慶陽。董額不能制。十五年二月。

聖祖特諭兵部。大將軍貝勒董額等屯兵平涼日久。賊寇尚未勦滅。城池尚未恢復。夫秦省不能卽定。川賊尚在窺伺者。皆由王輔臣未勦滅。平涼未克取故也。

其以都統大學士圖海爲撫遠大將軍。率每佐領護軍二名。亟赴陝西。總轄全省滿漢大兵。斷賊餉道。勦滅平固逆孽。速靖地方。大將軍抵平涼時。盡收各將軍敕印。遇有分遣。酌量給付。其貝勒董額以下。悉聽大將軍節制。十六年二月。部議陝西軍前功罪。以董額在軍前無功。革貝勒爵。四十二年四月。兄子信郡王鄂扎薨。以董額襲多羅信郡王爵。四十五年六月薨。

原封貝勒察尼。豫郡王多鐸第四子也。年十五

封貝勒。康熙七年正月。授宗人府左宗正。七月

八旗通志

卷二百三十五

宗室王公列傳七

三

初集

擢議政大臣。十二年十二月。逆藩吳三桂反於

雲南。

命寧南靖寇大將軍順承郡王勒爾錦。率官兵由湖廣

進勦。以察尼叅贊軍務。十三年正月。至荊州。察

尼與順承郡王議。岳州係湖廣要地。宜先取之。

遂與鎮南將軍尼雅翰。分領滿漢官兵。水陸齊

發。進攻岳州。賊將吳應麒。率兵七萬餘。由陸路

相拒。察尼等督兵奮擊。大敗之。斬首萬級。舟師

抵七里山。以礮攻賊。沉其船十餘艘。六月。

命貝勒尚善爲安遠靖寇大將軍。率師赴岳州。察尼遂

回荊州駐守。十四年五月。聞賊陷穀城。提督胡拜被擒。察尼領靖寇將軍印。統襄陽諸處官兵。進勦。賊知我兵至。棄城遁去。遂復穀城縣。會吳三桂增兵犯彝陵。甚急。察尼又率師往援之。親擇地立營。列火器與賊兵戰。大破其衆。十月。在興山縣地方。擊敗賊兵。恢復興山縣。十五年三月。又敗賊於太平街。焚燬其營。十七年八月。貝勒尚善薨於軍。

聖祖仁皇帝命察尼代爲安遠靖寇大將軍。往岳州進

勦。九月。察尼疏言。舟師入湖已久。雖未挫賊鋒。

八旗通志

卷一百三十五

宗室王公列傳七

三

初集

賊亦不能公然出戰。近聞逆賊糧餉將絕。將軍林興珠獻策。謂湖水涸後。宜圍以木柵。立木椿。列火礮。俾小船巡警。可乘之機。正在此時。然湖水之涸。爲期尚遲。兩三月間。賊中安知無變。今乘水勢未退。立一營於南靖港。俟水涸酌撥舟師營於君山高家廟。絕其糧道。賊勢窮蹙。不難撲滅。

聖祖善其言。遂令副都統關保率所部兵赴貝勒察尼軍前。往圍岳州。十一月。賊乘船出。意在疏通餉道。犯我柳林嘴。鏖戰移時。復有僞帥率衆五千。

於高家廟渡江。犯我陸石口營。察尼增遣署前鋒統領杭奇。率兵堵禦之。十八年正月。我師圍之。益力。逆賊不能支。偽總兵官王度冲。偽將軍陳珀。各以其舟師來降。吳應麒等棄城遁。遂復岳州。二月。奉

命會順承郡王勒爾錦合力取常德。沅州。鎮遠諸處。所至有功。十九年二月。進取辰龍關。抵辰州。賊潰遁。偽知府傅祖祿以城降。偽將軍楊有祿。周正。楊寶蔭。祖述。舜等。各率兵投誠。六月。請率師進取雲貴。奉

八旗通志

卷一百三十五

宗室王公列傳七

五

初集

旨。還京。十一月。論出師湖廣罪。議政王大臣等議覆。察尼帥師討賊。不速扼要害。乃退縮不前。老師糜餉。坐失事機。幾至悞國。應革去貝勒。並議政及宗人府之職。籍其家屬財產。仍行拘禁。疏入。得旨。察尼應如議處分。但既克岳州。且從前有效力之請。著從寬免其羈禁籍沒。餘依議。二十四年十二月。特授奉天將軍。二十七年九月。以疾卒於官。喪至

京師。

聖祖遣管侍衛內大臣公費揚古往奠之。修墳立碑。如

輔國公品級例。

賜諡恪僖。其碑文曰。朕惟國家親賢作輔。聿弘惇敘之文。臣僚恪慎奉公。宜沛崇優之典。蓋生旣被之以顯秩。歿又錫之以恩綸。所以勵臣忠而昭國憲也。爾察尼名標玉牒。派本銀潢。屬宗室之懿親。金枝衍慶。沐天朝之異數。赤紱承休。宣力有年。推恩無替。特隆簡命。俾作屏翰於東藩。庶勵新猷。期壯金湯於重地。廼聞溘逝。良悼朕懷。旣設奠以陳罇。復易名而賜諡。更爲治其幽宅。表以豐碑。禮備飭終。澤隆下逮。嗚呼。螭章載煥。倍深源本之思。馬鬣初封。彌切宗支之感。爰垂貞石。永耀重泉。弟費揚古。康熙二年。以係豫郡王八旗通志

卷一百三十五

宗室王公列傳七

三

初集

多鐸子。封三等奉國將軍。三十二年。授右衛護軍叅領。明年。擢正藍旗蒙古副都統。尋遷護軍統領。三十五年。授右衛揚武將軍。時厄魯特噶爾丹叛。奉

命隨撫遠大將軍伯費揚古。由西路進勦。破賊有功。因加一拖沙喇哈番。授爲二等奉國將軍。所加拖沙喇哈番。准再襲一次。五十一年。晉封輔國公。五十七年。以疾辭將軍任。五十八年。緣事併革輔國公。及拖沙喇哈番。雍正元年卒。



